

Y Bwrdd Rheoli Management Board

**Cofnodion y cyfarfod a gynhaliwyd ar 12 Rhagfyr
2013
9.30-11.30, Ystafell Gynadledda C**

Yn bresennol:

**Claire Clancy (Prif Weithredwr a Chlerc) (Cadeirydd)
Adrian Crompton (Cyfarwyddwr Busnes y Cynulliad)
Anna Daniel (Pennaeth Trawsnewid Strategol)
Elisabeth Jones (Cyfarwyddwr y Gwasanaethau Cyfreithiol)
Mair Parry-Jones (Pennaeth y Gwasanaeth Cyfieithu a Chofnodi)
Kathryn Potter (Pennaeth y Gwasanaeth Ymchwil)
Gareth Price (Pennaeth Cyfathrebu Dros Dro)
Mike Snook (Pennaeth Pobl a Lleoedd)
Craig Stephenson (Pennaeth y Gwasanaeth Cymorth i'r Comisiwn
ac i'r Aelodau)
Dave Tosh (Cyfarwyddwr TGCh)
Chris Warner (Pennaeth Gwasanaeth y Pwyllgorau Polisi a
Deddfwriaeth)
Sian Wilkins (Pennaeth Gwasanaeth y Siambr a Phwyllgorau)
Eric Gregory (Cynghorydd Annibynnol)
Liz Jardine (Ysgrifenyddiaeth)**

1.0 Cyflwyniadau ac ymddiheuriadau

**1.1 Cafwyd ymddiheuriadau gan Steven O'Donoghue (Pennaeth
Adnoddau'r Cynulliad).**

1.2 Nid oedd buddiannau i'w datgan.

2.0 Cyflwyniad: Rhaglenni newid llwyddiannus

**2.1 Rhoddodd Eric Gregory, un o Gynghorwyr Annibynnol y
Cynulliad, gyflwyniad i'r Bwrdd ar raglenni newid
llwyddiannus, gan olrhain ei brofiad fel Cyfarwyddwr ar
Fwrdd Partneriaeth John Lewis ac fel Cyfarwyddwr
Anweithredol yn y sector cyhoeddus.**

- 2.2 Teimlai aelodau'r Bwrdd Rheoli bod y cyflwyniad a'r drafodaeth wedi'u goleuo, ac roeddent yn falch o glywed bod Eric yn ystyried bod gwaith y Cynulliad ar newid a rheoli rhaglenni yn gadarn.**
- 3.0 Cyfathrebu â staff**
- 3.1 Cytunodd Claire Clancy i ddrafftio nodyn am drafodaethau'r Bwrdd Rheoli ar gyfer y dudalen newyddion.**
- 4.0 Cofnodion y cyfarfod a gynhaliwyd ar 18 Tachwedd 2013**
- 4.1 Cytunwyd bod y cofnodion yn gofnod cywir.**
- 5.0 Adolygiad o arolwg Aelodau'r Cynulliad a staff cymorth Aelodau'r Cynulliad**
- 5.1 Cyflwynodd Dave Tosh y cynlluniau ar gyfer arolwg nesaf Aelodau'r Cynulliad a Staff Cymorth Aelodau'r Cynulliad, sef y trydydd arolwg i gael ei gynnal. Cynhaliwyd yr arolwg gyntaf yn 2012 i gynorthwyo'r Comisiwn i gyflawni'r amcan strategol i ddarparu cymorth seneddol o'r radd flaenaf, ac roedd hefyd wedi cyfrannu at y camau a nodwyd yn yr Adroddiad ar Berfformiad Corfforaethol.**
- 5.2 Roedd y Bwrdd Rheoli wedi gofyn am gael byrhau'r arolwg, ac iddo ganolbwyntio mwy ar feysydd penodol lle'r oedd y sgoriau wedi dangos bod gwelliant yn ofynnol.**
- 5.3 Cytunodd y Bwrdd fod y fformat byrrach yn dda, ac roedd yn argymhell:**
- ystyried a ddylai'r sgoriau o'r arolwg diwethaf gael eu cynnwys yn y cwestiynau ai peidio;**
 - cadw'r blychau sylwadau, ond y dylid cael fformat agored a chyson ar eu cyfer;**
 - cadw cwestiynau/data craidd, er cysondeb, o fewn y dangosyddion perfformiad allweddol, ac egluro unrhyw newidiadau o fewn y dangosyddion perfformiad allweddol;**

- gwirio pa mor berthnasol yw pob cwestiwn i staff cymorth Aelodau'r Cynulliad.

5.4 Byddai'r arolwg drafft yn cael ei ddosbarthu i randdeiliaid allweddol i gael rhagor o fewnbwn a sylwadau arno.

6.0 Adroddiad misol ar reoli cyllid

6.1 Adolygodd y Bwrdd Rheoli y sefyllfa yn ôl y rhagolygon ar gyfer diwedd y flwyddyn ariannol, ac roedd disgwyl inni gyflawni'r targed o 1% o danwariant ar gyfer diwedd y flwyddyn. Gofynnwyd i'r Bwrdd sicrhau, yn ystod chwarter olaf y flwyddyn, bod rhagolygon yn gywir a bod Nicola Callow (y Pennaeth Cyllid) yn cael gwybod am unrhyw newidiadau ar unwaith.

6.2 Rhoddwyd gwybod i'r Bwrdd am y perygl y byddai angen cyllideb ychwanegol ar ddarpariaeth pensiwn yr Aelodau, ac roedd y Prif Weithredwr a'r Cyfarwyddwyr yn asesu'r opsiynau o ran ariannu.

7.0 Y wybodaeth ddiweddaraf am y Bwrdd Buddsoddi

7.1 Yng nghyfarfod diwethaf y Bwrdd Buddsoddi, bu swyddogion yn adolygu nifer o brosiectau, a chymeradwywyd y cam o roi arian ar gyfer gwneud gwelliannau i system wresogi'r Senedd a gosod pyst sy'n codi o flaen Tŷ Hywel. Fel rhan o'i adolygiad chwarterol o'r gofrestr contractau, cytunodd y Bwrdd y byddai'r contract lechyd Galwedigaethol yn mynd drwy broses ail-dendro.

7.2 Rhoddodd Dave Tosh wybod i'r Bwrdd fod y prosiect Gwasanaethau TGCh ar gyfer y Dyfodol yn debygol o ddangos tanwariant yn y gyllideb, a byddai'n dychwelyd unrhyw arian sy'n weddill i'r gyllideb ganolog. Roedd Nerys Evans (Pennaeth Rheoli Ystadau a Chyfleusterau) hefyd wedi sicrhau gostyngiad ardrethi a fyddai'n arwain at ad-daliad sylweddol yn 2014-15.

Cloi'r cyfarfod

8.0 Unrhyw fater arall

8.1 Cynhelir y cyfarfod nesaf ar 16 Ionawr 2014.